

Doc. dr. Denis Čaleta, predsjednik Udruge korporativnih menadžera Slovenije i predsjednik Savjeta Instituta za korporativne sigurnosne studije - ICS

Stvaramo veze koje obogaćuju i na taj način gradimo put do uspjeha

Dr. Čaleta je već 20 godina, kroz nauku, posao i praksu, prisutan u oblasti sigurnosti. Profesor je na Fakultetu za državne i evropske studije u Ljubljani, gdje predaje nekoliko predmeta iz oblasti sigurnosti. Pored angažmana na fakultetu predaje i u drugim stručnim akademskim sredinama. Predmet njegovih istraživanja su procesi borbe protiv terorizma u nacionalnom i međunarodnom okruženju, zatim uloga oružanih snaga u asimetričnom sigurnosnom okruženju. Autor je više stručnih publikacija, knjiga i tekstova

■ Razgovarao: Anes Džunuzović,
redakcija@asadria.com

aSs Adria: Gospodine Čaleta 21. i 22. marta u Ljubljani bit će održan Međunarodni naučni skup "Dani korporativne sigurnosti 2012". Ko su organizatori i promotori ove značajne međunarodne konferencije?

Čaleta: Organizator Međunarodne konferencije pod nazivom "Dani korporativne sigurnosti 2012" je Institut za korporativne sigurnosne studije – ICS, uz suradnju i podršku Slovenačke udruge korporativne sigurnosti. ICS, pored njegove znanstveno-istraživačke djelatnosti, također pruža logističku potporu za rad društveno značajnih udruga, kao što je udruga korporativne sigurnosti. Interakcija između znanstvenih istraživanja i ekonomskog okruženja nužno je potrebna za stvaranje novih znanja na području korporativne sigurnosti koja će osigurati efikasno rukovođenje sigurnosti i drugih povezanih rizika za nesmetano funkcioniranje organizacije.

Konferencije i magisterij

Taj organizacijski pristup daje izvanredne rezultate, koji se mogu osjetiti u različitim područjima, među kojima ističemo područje obrazovanja. U 2012. godini, u suradnji s Fakultetom za poduzetništvo, GEA College, Institut za korporativne sigurnosne studije ICS i Slovenačka udruga za korporativnu sigurnost pokrenule su magistarski studij "Management korporativne sigurnosti". Magistarski interdisciplinarni program će predstavljati veliki korak na području korporativne sigurnosti, prije svega zbog njezinog sve većeg značaja u zajednici. Ovo nije značajno samo za Sloveniju nego i za širi region jugoistočne Europe, kamo će se u kasnijim fazama program također širiti. Tradicionalna organizacija Međunarodne konferencije "Dani korporativne sigurno-

sti", znače još jednu prekretnicu na području obrazovanja. Ovo je odličan okvir za okupljanje stručnjaka iz znanstvene, tehničke, ekonomske i drugih oblasti te odličan temelj za pružanje najnovijih saznanja na području korporativne sigurnosti. Također, pruža i mogućnost stvaranja nove poslovne i stručne mreže.

aSs Adria: Ovo je tradicionalni, treći po redu naučni skup. Koje teme će biti obrađene na ovom skupu?

Čaleta: Centralna tema ovogodišnje međunarodne konferencije je usmjerena na "Korporativno rukovođenje u multinacionalnim sigurnosnim organizacijama i njihovo funkcioniranje u globalnom sigurnosnom okruženju". Tematska područja koja će se obrađivati na međunarodnoj konferenciji su: Sigurnost, kao temeljni resurs za stalni razvoj organizacija; Kvaliteta i inovacije u razvoju korporativne sigurnosti; Rukovođenje sustava razvojnih procesa korporativne sigurnosti; Strategija razvoja na području korporativne sigurnosti; Menadžment ljudskih resursa u smislu sveobuhvatne sigurnosti upravljanja rizicima u organizacijama; Standardizaciju i akreditaciju procesa korporativne sigurnosti; Rukovođenje sigurnosnim rizicima koji su povezani sa zaštitom kritične infrastrukture



Magistarski interdisciplinarni program će predstavljati veliki korak na području korporativne sigurnosti, prije svega zbog njezinog sve većeg značaja u zajednici. Ovo nije značajno samo za Sloveniju nego i za širi region jugoistočne Europe, kamo će se u kasnijim fazama program također širiti.



i - implementacije rješenja; Proces obrazovanja i osposobljavanja na području korporativne sigurnosti; Analiza i procijene ranjivosti i prijetnja u privrednim, javnim i drugim organizacijama; Društveno odgovoran marketing i komuniciranje u pružanju korporativne sigurnosti; Procesi sigurnosti informacija i komunikacija; Ekonomija i financije kroz prizmu sigurnosti upravljanja rizicima; Ekologija i upravljanje sigurnosnim rizicima; Projektiranje i izgradnja integriranih sigurnosnih sustava kroz koncept integrirane sigurnosti; Razvijanje korporativne sigurnosne kulture, poslovne etike i društvene odgovornosti; Krizni menadžment; Razumijevanje globalnog sigurnosnog okruženja, trendovi u provedbi pružanja cjelovitih sigurnosnih rješenja u poslovnom okruženju i okruženju javne uprave.

Otvoreno za sve

a&s Adria: Ko može prisustvovati ovom naučnom skupu?

Čaleta: Međunarodna konferencija je otvorena za sve znanstvenike i stručnjake iz privatne i javne sfere koja se bavi problemima proučavanja i pružanja korporativne sigurnosti, upravljanja sigurnosnim rizicima i provedbu kontrole nad tim procesima. U tom kontekstu, srdačno su pozvani da prisustvuju: znanstvenici i istraživači iz javnih i privatnih znanstveno-istraživačkih institucija; studenti i istraživači iz interdisciplinarnog područja korporativne sigurnosti; korporativni sigurnosti menadžeri; ostali sigurnosni stručnjaci iz javnih i privatnih okruženja; menadžerska struktura unutar poduzeća; viši rukovoditelji u agencijama i organizacijama javne uprave; vlasnici i članovi nadzornih odbora; svi koji se bave procesima standardizacije i akreditacije; predstavnici obavještajnih i sigurnosnih službi, policije, oružanih snaga, pravosuđa i drugih područja nacionalne sigurnosti; predstavnici privatne sigurnosti i detektivskih agencija; operatori kritičnih infrastrukturnih objekata; predstavnici osiguranja; svi koji se bave procesima informacijske i komunikacijske sigurnosti i zaštite podataka te druga zainteresirana publika.

a&s Adria: Koliko do sada imate prijavljenih učesnika i sa kojim temama će nastupiti?

Čaleta: Na aktualnost teme pokazuje razina i veliki broj sudionika prisutnih na znanstvenim i stručnim konferencijama koja se odvi-

> Ciljevi naučnog skupa

a&s Adria: Koji su ciljevi ovog naučnog skupa i kakve rezultate očekujete?

Čaleta: Konferencija ima za cilj predstaviti najnovija otkrića i rezultate istraživanja. Zatim predstaviti primjere dobre prakse i primjere uspješnog prijenosa znanja u praksi, a sve to kako bi se omogućio izravan kontakt između akademske i stručne sfere, te promoviralo razvijanje i rješavanje tekućih problema na području korporativne sigurnosti. Svrha ovog skupa je i otvaranje rasprave o aktualnim temama i problemima iz prakse, dok je ključni fokus na prezentaciji znanstvenih i stručnih znanja i njihova implementacija u praksi.

jaju u organizaciji Instituta za korporativno sigurnosne studije ICS. Znanje i nova saznanja predstavljaju značajnu konkurencijsku prednost koja je posebno izražena u ovoj izazovnoj ekonomskoj situaciji. Ove činjenice se odražavaju u velikom broju prijava sudionika za međunarodnu konferenciju. Program međunarodne konferencije je kompletiran sa velikim brojem pozvanih predavača iz različitih korporativnih okruženja javne i privatne sfere. Uz konferenciju će biti izdana i znanstvena monografija, gdje će se nalaziti posljednja saznanja sa područja korporativne sigurnosti.

Osnivanje regionalne međunarodne udruge

a&s Adria: Koliko su ovakve konferencije i naučni skupovi, korisni za kvalitetno pozicioniranje korporativne sigurnosti u regionu?

Čaleta: Visoku kvalitetu pripremljenog programa i tema međunarodne konferencije pokazuje i sastav međunarodnog Programskog odbora, koji se sastoji od vrhunskih naučnika, stručnjaka i poslovnih ljudi. Kao Predsjednik Slovenske udruge korporativne sigurnosti i predsjednik Organizacijskog odbora međunarodne konferencije zajedno sa mr. sci. Miranom Vrščem, direktorom ICS obezbjeđujemo kroz ovaj događaj pogodno okruženje za susret sa kolegama iz sličnih udruga sa područja korporativne sigurnosti. Na ovogodišnju konferenciju pozvani su i predsjednici udruga korporativne sigurnosti iz regiona, naime mr. sci. Dragan Trivan, predsjednik Srpske Udruge korporativnih menadžera bezbednosti i mr. Alen Ostojić, predsjednik Udruge Hrvatskih menadžera sigurnosti. Nadam se da ćemo uspjeti na ovogodišnjoj konferenciji napokon konačno provesti ideju o osnivanju regionalne međunarodne udruge korporativne sigurnosti, koja bi u svojoj prvoj fazi okupila sva udruženja korporativne bezbjednosti iz zemalja sa područja bivše Jugoslavije. U ovom trenutku koristim priliku da potaknem i kolege iz zemalja bivše Jugoslavije, koje još nisu organizirale slične udruge u svome okruženju, da urade taj vrlo značajan korak te učestvuju u realizaciji ove ideje. Korporativna sigurnost u organizacijama nije trošak nego je osnovni preduvjet za konkurentan i učinkovit rad organizacije. Širenje svijesti u društvu je dugotrajan proces koji zahtijeva organizirani pristup i koji nadilazi napore pojedinih stručnjaka. Ta značajna činjenica reflektira se i kroz osnovne postavke Slovenske udruge korporativne sigurnosti i glasi "Stvaramo veze koje obogaćuju i na taj način gradimo put do uspjeha" i "Ab uno bisce omnes (po jednom članu poznaj sve)". ◀